

大明集禮
八

吉禮十一
朝日夕月

芳華

74
6292
9





大明集禮卷十一

吉禮十一

日月篇

總序

周禮大宗伯以實柴祀日月星辰玉人之事圭
 璧五寸以祀日月星辰禮記曰王宮祭日也夜
 明祭月也祭日於壇祭月於坎以別幽明以制
 上下考之古者祀日月其禮有六郊特牲曰郊
 之祭大報天而主日配以月一也玉藻曰朝日

去五味均平廣



74
6292
9

於東門之外祭義曰祭日於東郊祭月於西郊
二也大宗伯肆類于四郊兆日於東郊兆月於
西郊三也月令孟春祈來年於天宗天宗日月
之類四也覲禮拜日於東門之外反祀方明禮
日於南門之外禮月於北門之外五也雪霜風
雨之不時則祭日月六也說者謂因郊蜡而祀
之者非正祀也類禋而祀之與覲諸侯而禮之
者非常祀也惟春分朝之於東門之外秋分夕
之於西門之外者祀之正與常者也蓋天地至

尊故用其始而祭以二至日月次天地春分陽
氣方永秋分陰氣向長故祭以二分為得陰陽
之義也若其次則大次小次設重幣重案其牲
體則實柴其服則玄冕玄端其圭之繅藉則大
采少采禮之之玉則一圭邱璧祀之之樂則奏
黃鍾歌大呂舞雲門凡見於周禮者如此秦祭
八神六曰月主七曰日主雍又有日月廟漢郊
太乙朝日夕月改周法常以郊秦時質明出行
宮東向揖日西向揖月又於殿下東西拜日月

宣帝於成山祠日萊山祠月魏明帝始朝日東
郊夕月西郊唐以二分日朝日夕月於國城東
西宋以春分朝日秋分夕月為大祀元於郊壇
從祀祭日月其二分朝日夕月皇慶中議建立
而不見施行

國朝既於郊壇從祀日月又稽古者正祭之禮
築壇於國城東西用春秋分朝日夕月且以星
辰同祀於月壇焉可謂遠禮之宜者矣若其歷
代儀文之詳具于左方

壇制

祭法曰王宮祭日夜明祭月王宮壇名營城如
宮日神尊故名壇曰王宮夜明祭月壇名月明
於夜故謂其壇為夜明又曰祭日於壇祭月於
坎以制上下祭日於東祭月於西以端其位此
春秋分正祭日月特設壇兆於東西郊者也秦
漢以來雖祭日月而壇制未聞後周以春分朝
日於東門外為壇如其郊燔燎如圓丘秋分夕
月於國西門外為壇於坎中方四丈深四尺燔

燎如朝日禮隋因周制唐日壇在春明門外一里半其制方廣四十尺高八尺月壇在開遠門外一里半其制為坎除三尺廣四丈為壇於坎中高一尺廣四丈宋熙寧中定朝日壇廣四丈夕月坎深三尺廣四丈壇高一尺廣二丈四方各為陛入坎中然後升壇兩壇每壇二十五步燎壇方八尺高一丈開上南出戶方三尺

國朝築朝日壇於城東門外高八尺方廣四丈築夕月壇於城西門外高六尺方廣四丈俱兩

壇每壇二十五步燎壇方八尺高一丈開上南出戶方三尺

神位版

唐神位版用松栢木為之長二尺五寸闊一尺二寸跌高五寸朱漆金字宋同其制

國朝以松栢為之長二尺五寸闊五寸跌高五寸朱漆金字

神席

唐以藁鞞為祭天與日月之席而加茵褥大明

以青夜明以白宋去褥用藁秸

祝冊

唐朝日夕月祝詞曰嗣天子臣某敢昭告于大明惟神宣布太陽照臨下土動植咸賴隱幽無遺時惟仲春敬遵常禮謹以玉帛犧齊粢盛庶品祗祀于神尚享夕月祝詞曰嗣天子臣某敢昭薦于夜明惟神昭著懸象輝陰精頒曆授時仰觀取則爰茲仲秋用率恒禮謹以玉帛犧齊粢盛庶品恭祀于神尚享

國朝洪武三年九月二十四日詹學士魏學士宋編脩同樂起居注將朝日夕月星辰祝文三道於

奉天門外金水橋上進奏欽奉

聖旨教發與禮部太常司永為定式

朝日

惟神陽靈東升運行于天神光下燭無私無偏歲紀聿新昭天之德萬物具瞻黃道弗忒國有時祀古典式遵曦馭既格海宇咸春

夕月

惟神太陰所鍾承光於日配陽之德麗于穹碧
維此秋夕雲斂氣清仰瞻素輝神馭以升夜明
有壇用伸報祭惟神鑒臨萬古不昧

星辰

惟神羅列周天耿耿其輝既瞻月馭衆象以微
上之所躔下必有應爰遵古典用伸報稱季秋
禮記設壇既崇神其歆格鑒此寸衷

祭器

記字疑
祀字

唐朝日夕月並設大尊二著尊一犧尊二山壘
二在壇上象尊二壺尊山壘二在壇下籩豆各
十簠簋登俎各一**宋**犧尊五象尊五為酌尊太
尊二山尊二著尊二犧尊二象尊二壺尊六為
設尊籩豆各十二簠簋俎各二

國朝並設大尊二著尊二山壘二在壇上東南
隅北面象尊二壺尊二山壘二在壇下籩豆各
十簠簋各四

玉幣

春官典瑞玉入之事圭璧五寸以祀日月圭璧謂以璧為邸旁有一圭蓋祀天之玉以四圭有邸此為一圭者殺於上帝也秦漢以後璧制未聞後周朝日以青圭有邸唐朝日夕月玉以圭邸其幣大明以青夜明以白宋日月圭璧大明以赤夜明以白

國朝玉並用圭璧五寸幣大明用赤夜明星辰並用白

牲

周禮大宗伯實牛柴上以祀日月漢祭日以牛祭月以羊彘特謂若牛若羊若豕只一牲也唐朝日夕月大明用青犢一夜明用白犢一大曆以後減大明夜明用少牢祭法日月用少牢鄭云禱祈之祭也**宋**朝日夕月各羊二豕二

國朝大明用赤犢夜明用白犢星辰用純色犢酒齊

唐朝日夕月大尊實醴齊著尊實盞齊壘尊實清酒其玄酒各實於上尊宋依郊祀儀其設尊

則太尊實泛齊山罍實醴齊盞齊犧尊實緹齊象尊實沉齊壺尊實三酒其酌尊則太尊酌尊實泛齊山尊犧尊實醴齊明水玄酒實上尊

國朝太尊實醴齊著尊實盞齊山罍實清酒其明水玄酒各實于上尊

案盛

唐朝日夕月簋實以稷簠實以黍**宋**簠實以黍稷簋實以稻粱

籩豆之實

唐朝日夕月籩實以石鹽乾魚乾棗栗黃榛子仁菱仁芡仁鹿脯黑餅白餅豆實以韭菹醢醢菁菹鹿醢芹菹兔醢筍菹魚醢脾析菹豚拍**宋**籩實加糗餌粉粢豆實加飽食糝食

國朝籩實以石鹽乾魚乾棗栗黃榛子仁菱仁芡仁鹿脯白餅黑餅豆實以韭菹醢醢菁菹鹿醢芹菹兔醢筍菹魚醢脾析菹豚拍

樂舞

周禮大司樂奏黃鍾歌大品舞雲門以祀天神

天神謂日月星辰也。漢祀天歌十九章其一章曰日出入。隋朝日夕月奏減夏詞各一首迎送神登歌樂詞與圓丘同。唐初樂用黃鍾之均三成後改用天神之樂圜鐘之均六成送迎神皆用和之曲。宋皇帝入門作宜安之樂行事作景安之樂帝臨降康之舞六成奠玉幣初獻登歌作嘉安之樂奉俎作豐安之樂初獻畢文舞退武舞進作容安之樂亞終獻作隆安之樂神保錫羨之舞飲福作禧安之樂送神登歌作成

安之樂

國朝

祭服


玉藻曰天子玄端朝日於東門之外端為冕字之誤也春官玉搢大圭執鎮圭繅藉五采五就以朝日搢插也謂插大圭長三尺玉笏於帶間手執鎮圭尺二寸繅藉五采五就者謂以五采就繅藉玉也繅者雜采之名一采為一帀五采則五帀一帀為一就就成也以木為榦用韋為

衣而以五采畫之以薦玉也國語曰天子大采朝日少采夕月大采謂五采五就也少采謂夕月殺於日用三采也秦祀日月其祝宰之日赤月白漢以後服制未聞南齊何終之議禮天子朝日服宜有異項代天子小朝會服絳紗袍通天金博山冠斯即今朝之服次衮冕者也宜服此以拜日月庶得差降之宜後周天子及祀官俱青冕執事者弁唐服玄冕其衣無章裳刺黼一章宋衮冕以祭

國朝 服衮冕



朝日壇圖



集禮卷十一 十一

朝日壇

尊酒

辨

侍儀

得史
典儀

皇字位

協律部

生樂

生舞

齋祭官

諸執事官

傳贊


贊司



朝日陳設圖

- 菱
- 艾
- 鹿脯
- 白餅
- 黑餅
- 鹽
- 蠶
- 棗
- 栗
- 榛
- 稷
- 梁
- 肉羹
- 大羹
- 牲
- 燭

集禮卷十一十三



樂圖

搏拊
搏拊
歌工
歌工
歌工
歌工
歌工
歌工

協律郎

司

琴琴琴琴琴瑟瑟

鐘

笛笛篳篳埙埙

和笙和笙簫簫鳳笙鳳笙

應鼓

集禮卷十一十四

祝位

祝

南

方

牲

香

爵

沙

黍

稻

南

大

牲

燭

祝

斐

醴

菁

鹿

芡

魚

篲

魚

脾

豚

拍

引舞

卜舞

| | | | |
|----|----|----|----|
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |

引舞

| | | | |
|----|----|----|----|
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |

| | |
|---|---|
| 搏 | 搏 |
| 村 | 村 |
| 歌 | 歌 |
| 工 | 工 |
| 歌 | 歌 |
| 工 | 工 |
| 歌 | 歌 |
| 工 | 工 |
| 歌 | 歌 |
| 工 | 工 |

協律部

歌

| | | | | | |
|---|---|---|---|---|---|
| 琴 | 琴 | 琴 | 琴 | 琴 | 琴 |
| 瑟 | 瑟 | 瑟 | 瑟 | 瑟 | 瑟 |

磬

| | | | | | |
|---|---|---|---|---|---|
| 塤 | 塤 | 箎 | 箎 | 笛 | 笛 |
|---|---|---|---|---|---|

| | | | | | |
|----|----|---|---|----|----|
| 鳳笙 | 鳳笙 | 簫 | 簫 | 和笙 | 和笙 |
|----|----|---|---|----|----|

引舞

鞞十

| | | | |
|----|----|----|----|
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |

引舞

| | | | |
|----|----|----|----|
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |

朝日樂章

迎神

熙和之曲

吉日良辰祀典式陳純陽之精是為大明濯濯

黃林姑黃應林南林南林姑太林黃姑黃姑黃

厥靈昭鑒我心以候以迎來格來歆

太姑黃南姑林蕤姑黃太南林太黃

奠幣

保和之曲

靈旗涖止有赫其威一念潛通幽明弗違有幣

林黃太姑姑林南林南林姑太林姑南黃南黃

在筐物薄而微神兮安留尚其享之
南姑姑蕤南林南林姑太黃太姑林

初獻

保和之曲

神兮我留有薦必受享祀之初奠茲醴酒晨光
姑黃太姑蕤南林太太林南林姑林姑黃太黃
初升祥徵應候何以侑觴樂陳雅奏
南林黃應姑林姑黃太姑南黃南姑

亞獻

中和之曲

我祀維何奉茲犧牲爰酌醴齊載觴載升洋洋

黃林姑黃姑林南林南林黃太 太南黃黃南
如在式燕以寧庶表微衷交于神明
林姑黃南姑林黃太姑太南林姑黃

終獻

肅和之曲

執事有嚴品物斯祭黍稷非馨式將其意薦茲
太黃太姑林夷林大仲林夷林大林姑黃大黃
酒醴成我常祀神其顧歆永言樂只
大姑黃夷林大林黃大姑林夷林大

徹豆

凝和之曲

春祈秋報率為我民我民之生賴于爾神維神
黃林姑黃黃南姑林黃太姑太林太南黃黃南
祐之康寧是臻祭祀云畢神其樂歆
姑林姑太南黃姑林南林南林姑黃

送神

壽和之曲


三獻禮終九成樂作神人以和既燕且樂雲車
林黃太姑林南林太黃南黃姑林太南黃黃南
風馭靈光昭灼瞻望以思邈彼寥廓
林姑黃林南林林姑黃太姑林南林

望燎

豫和之曲

俎豆既徹禮樂已終神之云還倏將焉從以望
黃太姑林林南黃太黃南林姑姑林姑黃黃南
以燎庶幾感通時和歲豐維神之功
黃姑林太南黃林姑黃太南林姑黃

夕月壇



集禮卷十一十九

大典集禮 卷十一

十九

夕月壇

交月

酌酒
尊酒

尊酒

印工

承印

侍儀
太常

御史
典儀

皇太子位

協律郎

生樂

生舞

文陪祭官

諸執事官


衛贊

引贊

夕月陳設圖

| | | |
|---|---|----|
| 稷 | 鹽 | 菱 |
| 梁 | 薑 | 芡 |
| 粢 | 棗 | 鹿脯 |
| 棗 | 栗 | 白餅 |
| | 榛 | 黑餅 |
| 牲 | | |
| 燭 | | |

集禮卷十一 二十一



樂圖

搏搏歌歌歌歌歌
搏搏歌歌歌歌歌

協律郎

祝

琴琴琴琴琴瑟瑟

鐘

笛笛箎箎塤塤

和笙和笙簫簫鳳笙鳳笙

應鼓

集禮卷十一 二十二

社位幣

肉羹 大羹

牲 香 饌 沙池

黍 稻 粢 麥 牲 燭

祝 韭菹 醯醢 菁蕡 鹿醢 芹菹

兔醢 菱狙 魚醢 脾析 豚拍

舞圖

引舞

舞

| | | | |
|----|----|----|----|
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |

引舞

| | | | |
|----|----|----|----|
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |

| |
|----|
| 搏拊 |
| 搏拊 |
| 歌五 |
| 歌五 |
| 歌五 |
| 歌五 |
| 歌五 |
| 歌五 |

協律郎

歌

| | | | | | |
|---|---|---|---|---|---|
| 琴 | 琴 | 琴 | 琴 | 琴 | 琴 |
|---|---|---|---|---|---|

磬

| | | | | | |
|---|---|---|---|---|---|
| 塤 | 塤 | 箎 | 箎 | 笛 | 笛 |
|---|---|---|---|---|---|

| | | | | | |
|----|----|---|---|----|----|
| 鳳笙 | 鳳笙 | 簫 | 簫 | 和笙 | 和笙 |
|----|----|---|---|----|----|

引舞

舞十

| | | | |
|----|----|----|----|
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |
| 生武 | 生武 | 生武 | 生武 |

引舞

| | | | |
|----|----|----|----|
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |
| 生文 | 生文 | 生文 | 生文 |

夕月樂章

迎神

凝和之曲

吉日良辰祀典式陳太陰夜明以及星辰濯濯

黃林姑黃姑林南林南林姑太林太南黃姑黃

厥靈昭鑒我心以候以迎來格來歆

太姑黃南姑林林姑黃太南林姑黃

奠幣

保和之曲

靈旗泣止有赫其威一念潛通幽明弗違有幣

林黃太姑姑林南林南林姑太林太南黃南黃

在筐物薄而微神兮安留尚其享之

南姑姑林南林南林姑太黃太姑林

初獻

安和之曲

神兮我留有薦必受享祀之初奠茲醴酒晨光

夾黃太夾林南林太太林南林夾林夾黃太黃

初升祥徵應候何以侑觴樂陳雅奏

南林黃南夾林夾黃太夾南黃林夾

亞獻

中和之曲

我祀維何奉茲犧牲爰酌醴齊載觴載升洋洋

黃林姑黃姑林南林南林黃太林太南黃黃南

如在式燕以寧庶表微衷交于神明

林姑黃南姑林黃太姑太南林姑黃

終獻

肅和之曲

執事有嚴品物斯祭黍稷非馨式將其意薦茲

大黃大姑林夷林大仲林夷林大林姑黃大黃

酒醴成我常祀神其顧歆永言樂只

大姑黃夷林大林黃大姑林夷林大

徹豆

壽和之曲

大明集禮 卷十一 二十五
春祈秋報率為我民我民之生賴于爾神惟神
黃林姑黃黃南姑林黃太姑太林太南黃黃南
祐之康寧是臻祭祀云畢神其樂欣
姑林姑太南黃姑林南林南林姑黃

送神

豫和之曲

三獻禮終九成樂作神人以和既燕且樂雲車
林黃太姑林南林太黃南黃姑林太南黃黃南
風馭靈光昭灼瞻望以思邈彼窳廓
林姑黃林南林林姑黃太姑林南林

望燎

熙和之曲

俎豆既徹禮樂已終神之云還倏將焉從以望
黃太姑林林南黃太黃南林姑姑林姑黃黃南
以燎庶幾感通時和歲豐維神之功
黃姑林太南黃林姑黃太南林姑黃

國朝

皇帝春朝朝日儀注

時日以春分日行事

齋戒

大典集禮 卷十一 二十五
皇帝散齋三日致齋二日陪祭官執事官並齋五日如常儀

省牲 前期二日所司設

皇帝大次於壇外東門內道北南向設省牲位於壇東門外先祭一日導駕官同太常卿導引車駕詣大次太常卿奏請中嚴

皇帝服皮弁太常卿奏外辦導駕官同太常卿導引

皇帝詣省牲位執事者各執乃事廩犧令帥其

屬牽牲自東行過

御前省訖牽詣神厨執事者取毛血實于豆太常卿奏請詣神厨導駕官同太常卿導引至神厨太常卿奏請視鼎鑊請視滌濯遂烹牲導駕官同太常卿導引

皇帝還大次

陳設 前祭一日所司陳設如圖儀

鑾駕出宮鹵簿導從同圓丘儀

正祭 祭日清晨太常卿帥執事者各實尊壘

大司馬禮 卷十一
籩豆簠簋登俎又實幣于篚加圭璧陳于尊所
祝版置于神位之右樂生舞生入就位諸執事
官陪祭官各入就位太常卿奏請中嚴
皇帝服袞冕太常卿奏外辦導駕官同太常卿
導引

皇帝至御位南向立

迎神 贊禮唱迎神協律郎跪俛伏舉麾奏熙
和之曲樂 成止贊禮唱請行禮太常卿奏有
司謹具請行事奏鞠躬拜興拜興平身

皇帝鞠躬拜興拜興平身贊禮唱

皇太子以下在位官皆再拜傳贊唱鞠躬拜興
拜興平身

皇太子以下鞠躬拜興拜興平身

奠玉幣 贊禮唱奠玉幣太常卿奏請詣盥洗
位導駕官同太常卿導引

皇帝詣盥洗位太常卿贊盥曰前期齋戒今晨
奉祭加其清潔以對神明太常卿奏搢圭

皇帝搢圭司執洗者奉盥進巾太常卿奏盥手

大明集禮 卷十一
三
悅手出圭

皇帝盥手悅手出圭太常卿奏請升壇贊曰

神明在上整肅威儀升自午陛太常卿奏請詣
大明神位前司玉幣者奉玉幣以俟協律郎跪
俯伏舉麾奏保和之曲導駕官同太常卿導引
皇帝至神位前北向立太常卿奏跪摺圭

皇帝跪摺圭司香官舉香跪進于

皇帝之左太常卿奏上香上香三上香

皇帝上香上香三上香司幣王者奉玉幣跪進

于

皇帝之右

皇帝受玉幣奠于

大明神位前太常卿奏出圭鞠躬拜興拜興平
身

皇帝出圭鞠躬拜興拜興平身樂止太常卿奏

復位導駕官同太常卿導引

皇帝復位

進熟 贊禮唱進俎齋郎舉俎至壇前進俎官

舉俎升自午陛協律郎跪俛伏舉麾奏 之
曲道守駕官同太常卿導引

皇帝至

大明神位前太常卿奏搢圭

皇帝搢圭進俎官以俎進于

皇帝之右

皇帝以俎奠于

大明神位前太常卿奏出圭

皇帝出圭太常卿奏復位導駕官同太常卿導

引

皇帝復位

初獻 贊禮唱行初獻禮太常卿奏行初獻禮

請詣爵洗位導駕官同太常卿導引

皇帝至爵洗位太常卿奏搢圭

皇帝搢圭執爵官以爵進

皇帝受爵滌爵拭爵以爵授執爵官太常卿奏

出圭

皇帝出圭太常卿奏請詣酒尊所導駕官同太

大明集禮 卷十一
常卿導引

皇帝升壇至酒尊所太常卿奏摺圭

皇帝摺圭執爵官以爵進

皇帝執爵司尊者舉帛酌泛齊

皇帝以爵授執爵官太常卿奏出圭

皇帝出圭太常卿奏請詣

大明神位前協律郎跪俯伏舉麾奏安和之曲

武功之舞導駕官同太常卿導引

皇帝至神位前太常卿奏跪摺圭

皇帝跪摺圭司香官捧香跪進于

皇帝之左太常卿奏上香上香三上香

皇帝上香上香三上香執爵官奉爵跪進于

皇帝之右

皇帝受爵太常卿奏祭酒祭酒三祭酒奠爵

皇帝祭酒祭酒三祭酒奠爵樂舞止太常卿奏

出圭

皇帝出圭讀祝官取祝版於神右跪讀訖樂舞

作太常卿奏俯伏興平身稍後鞠躬拜興拜興

平身

皇帝俯伏興平身稍後鞠躬拜興拜興平身樂

舞止太常卿奏請復位導駕官同太常卿導引

皇帝復位

亞獻 贊禮唱行亞獻禮太常卿奏請行亞獻

禮請詣爵洗位導駕官同太常卿導引

皇帝至爵洗位太常卿奏搢圭

皇帝搢圭執爵官以爵進

皇帝受爵祿爵拭爵以爵授執爵官太常卿奏

出圭

皇帝出圭太常卿奏請詣酒尊所導駕官同太

常卿導引

皇帝升壇至酒尊所太常卿奏搢圭

皇帝搢圭執爵官以爵進

皇帝受爵司尊舉罍酌醴齊

皇帝以爵授執爵官太常卿奏出圭

皇帝出圭太常卿奏請詣

大明神位前協律郎跪俛俯舉麾奏中和之曲

文德之舞導駕官同太常卿導引

皇帝至神位前太常卿奏跪摺圭

皇帝跪摺圭司香官捧香跪進于

皇帝之左太常卿奏上香上香三上香

皇帝上香上香三上香執爵官捧爵跪進于

皇帝之右

皇帝受爵太常卿奏祭酒祭酒三祭酒奠爵

皇帝祭酒祭酒三祭酒奠爵太常卿奏出圭俯

伏興平身稍後鞠躬拜興拜興平身

皇帝出圭俯伏興平身稍後鞠躬拜興拜興平身樂舞止太常卿奏復位導駕官同太常卿導

引

皇帝復位

終獻 贊禮唱行終獻禮太常卿奏行終獻禮

請詣爵洗位導駕官同太常卿導引

皇帝至爵洗位太常卿奏摺圭

皇帝摺圭執爵官以爵進

皇帝受爵滌爵拭爵以爵授執爵官太常卿奏

出圭

皇帝出圭太常卿奏請詣酒尊所導駕官同太常卿導引

皇帝升壇至酒尊所太常卿奏搢圭

皇帝搢圭執爵官以爵進

皇帝受爵司尊者舉鼻酌盞齊

皇帝以爵授執爵官太常卿奏出圭

皇帝出圭太常卿奏請詣

大明神位前協律郎跪俛伏舉麾奏肅和之曲

文德之舞導駕官同太常卿導引

皇帝至神位前太常卿奏跪搢圭

皇帝跪搢圭司香官捧香跪進于

皇帝之左太常卿奏上香上香三上香

皇帝上香上香三上香執爵官奉爵跪進于

皇帝之右

皇帝受爵太常卿奏祭酒祭酒三祭酒奠爵

皇帝祭酒祭酒三祭酒奠爵太常卿奏出圭俯

伏興平身稍後鞠躬拜興拜興平身

皇帝出圭俯伏興平身稍後鞠躬拜興拜興平身太常卿奏復位導駕官同太常卿導引

皇帝復位

飲福受胙 贊禮唱飲福受胙太常卿奏請詣飲福位導駕官同太常卿導引

皇帝升壇至飲福位北向立太常卿奏鞠躬拜興拜興平身

皇帝鞠躬拜興拜興平身太常卿奏跪搢圭皇帝跪搢圭奉爵官酌福酒跪進于

皇帝之左贊曰惟此酒肴神之所與賜以福慶億兆同霑

皇帝受福酒祭酒飲福酒以爵置于坫奉胙官奉胙跪進于

皇帝之右

皇帝受胙以胙授執事者執事者跪受于

皇帝之右太常卿奏出圭

皇帝出圭太常卿奏俯伏興平身稍後鞠躬拜興拜興平身

大甲集禮 卷一 三五
皇帝俯伏興平身稍後鞠躬拜興平身太常卿奏請復位導駕官同太常卿導引

皇帝復位

徹豆 贊禮唱徹豆協律郎跪俛伏舉麾奏凝和之曲掌祭官徹豆贊禮唱賜胙太常卿奏

皇帝飲福受胙免拜贊禮唱

皇太子以下在位官皆再拜傳贊唱鞠躬拜興拜興平身

皇太子以下皆鞠躬拜興拜興平身 樂止

送神 贊禮唱送神協律郎跪俯伏舉麾奏壽和之曲太常卿奏鞠躬拜興拜興平身

皇帝鞠躬拜興拜興平身贊禮唱

皇太子以下在位官皆再拜傳贊唱鞠躬拜興拜興平身

皇太子以下皆鞠躬拜興拜興平身贊禮唱祝人取祝帛人取帛詣望燎位讀祝官捧祝捧帛官捧帛掌祭官取饌及爵酒詣柴壇置戶上 樂止

望燎 贊禮唱望燎導駕官同太常卿導引
皇帝至望燎位贊禮唱可燎東西面各二人以
炬燎火訖半燎太常卿奏禮畢導駕官同太常
卿導引

皇帝還大次解嚴

鑾駕還宮鹵簿導從如來儀大樂鼓吹振作

國朝

皇帝秋夕夕月儀注

時日 以秋分日行事

齋戒

皇帝散齋三日致齋二日陪祭官執事官並齋
五日如常儀

省牲 前期二日所司設

皇帝大次於壇外東門內道北南向設省牲位
於內壇東門外先祭一日導駕官同太常卿導
引

車駕詣大次太常卿奏請中嚴

皇帝服皮弁服太常卿奏外辦導駕官同太常

大明集禮 卷十一
三十一
卿導引

皇帝詣省牲位執事者各執乃事廩犧令率其屬牽牲自東行過

御前省訖牽詣神厨執事者取毛血實于豆太常卿奏請詣神厨導駕官同太常卿導引至神厨太常卿奏請視鼎鑊請視滌濯遂烹牲導駕官同太常卿導引

皇帝還大次

陳設 前祭一日所司陳設如圖儀

鑾駕出宮

鹵簿導從同圓丘儀

正祭 祭日清晨太常少卿帥執事者各實尊罍籩豆簠簋登俎又實幣于篚加圭璧陳于尊所祝版置于神位之右樂生舞生入就位諸執事官陪祭官各入就位太常卿奏請中嚴皇帝服衮冕太常卿奏外辦導駕官同太常卿導引

皇帝至御位南向立

迎神 贊禮唱迎神協律郎跪俛伏舉麾奏凝

和之曲樂 成贊禮唱請行禮太常卿奏有司
謹具請行事奏鞠躬拜興拜興平身

皇帝鞠躬拜興拜興平身贊禮唱

皇太子以下在位官皆再拜傳贊唱鞠躬拜興
拜興平身

皇太子以下鞠躬拜興拜興平身

奠玉幣 贊禮唱奠玉幣太常卿奏請詣盥洗
位導駕官同太常卿導引

皇帝詣盥洗位太常卿贊盥曰前期齋戒今晨

奉祭加其清潔以對神明太常卿奏搢圭

皇帝搢圭司執洗者捧盥進巾太常卿奏盥手
帨手出圭

皇帝盥手帨手出圭太常卿奏請升壇贊曰

神明在上整肅威儀升自午陛太常卿奏請詣
夜明神位前司玉幣者捧玉幣以俟協律郎跪
俯伏舉麾奏保和之曲導駕官同太常卿導引
皇帝至神位前北向立太常卿奏跪搢圭
皇帝跪搢圭司香官取香跪進于

皇帝之左太常卿奏上香上香三上香

皇帝上香上香三上香司玉幣者捧玉幣跪進

于

皇帝之右

皇帝受玉幣奠于

夜明神位前太常卿奏出圭鞠躬拜興拜興平

身

皇帝出圭鞠躬拜興拜興平樂止太常卿奏

請詣

星辰神位前導駕官同太常卿導引

皇帝至神位前太常卿奏跪摺圭

皇帝跪摺圭司香官捧香跪進于

皇帝之左太常卿奏上香上香三上香

皇帝上香上香三上香司幣者捧幣跪進于

皇帝之右

皇帝受幣奠于

星辰神位前太常卿奏出圭鞠躬拜興拜興平

身

皇帝出圭鞠躬拜興拜興平身太常卿奏復位
導駕官同太常卿導引

皇帝復位

進熟 贊禮唱進俎齋郎舉俎至壇前進俎官
舉俎升自午陛協律郎跪俛伏舉麾奏保和之
曲導駕官同太常卿導引

皇帝至

夜明神位前太常卿奏摺圭
皇帝摺圭進俎官以俎進于

皇帝之右

皇帝以俎奠于神位前太常卿奏出圭

皇帝出圭導駕官同太常卿導引至

星辰神位前進俎官以俎進于

皇帝之右太常卿奏摺圭

皇帝摺圭以俎奠于

星辰神位前太常卿奏出圭

皇帝出圭太常卿奏復位導駕官同太常卿導

引

大明集禮 卷十一
皇帝復位

初獻 贊禮唱行初獻禮太常卿奏請行初獻禮請詣爵洗位導駕官同太常卿導引

皇帝至爵洗位太常卿奏摺圭

皇帝摺圭執爵官以爵進

皇帝受爵滌爵拭爵以爵授執爵官執爵官又以爵進

皇帝受爵滌爵拭爵以爵授執爵官太常卿奏出圭

皇帝出圭太常卿奏請詣酒尊所導駕官同太常卿導引

皇帝升壇至酒尊所太常卿奏摺圭

皇帝摺圭執爵官以爵進

皇帝執爵司尊者舉罍酌泛齊

皇帝以爵授執爵官太常卿奏出圭

皇帝出圭太常卿奏請詣

夜明神位前協律郎跪俯伏舉麾奏安和之曲武功之舞導駕官同太常卿導引

皇帝至神位前太常卿奏跪搢圭

皇帝跪搢圭司香官捧香跪進于

皇帝之左太常卿奏上香上香三上香

皇帝上香上香三上香執爵官捧爵跪進于

皇帝之右

皇帝受爵太常卿奏祭酒祭酒三祭酒奠爵

皇帝祭酒祭酒三祭酒奠爵樂舞止太常卿奏

出圭

皇帝出圭讀祝官取祝版於神右跪讀訖樂舞

作太常卿奏俯伏興平身稍後鞠躬拜興拜興

平身

皇帝俯伏興平身稍後鞠躬拜興拜興平身樂

舞止太常卿奏請詣酒尊所導駕官同太常卿

導引

皇帝至酒尊所執爵官以爵進

皇帝受爵司尊舉罍酌泛齊以爵授執爵官太

常卿奏請詣

星辰神位前導駕官同太常卿導引

皇帝至神位前太常卿奏跪搢圭

皇帝跪搢圭司香官捧香跪進于

皇帝之左太常卿奏上香上香三上香

皇帝上香上香三上香執爵官捧爵跪進于

皇帝之右

皇帝受爵太常卿奏祭酒祭酒三祭酒奠爵

皇帝祭酒祭酒三祭酒奠爵太常卿奏出圭讀

祝官取祝版于神位之右跪讀訖太常卿奏俯

伏興平身稍後鞠躬拜興拜興平身

皇帝俯伏興平身稍後鞠躬拜興拜興平身太
常卿奏請復位導駕官同太常卿導引
皇帝復位

亞獻 贊禮唱行亞獻禮太常卿奏行亞獻禮
請詣爵洗位導駕官同太常卿導引

皇帝至爵洗位太常卿奏搢圭

皇帝搢圭執爵官以爵進

皇帝受爵滌爵拭爵以爵授執爵官執爵官又
以爵進

皇帝受爵滌爵拭爵以爵授執爵官太常卿奏出圭

皇帝出圭太常卿奏請詣酒尊所導駕官同太常卿導引

皇帝升壇至酒尊所太常卿奏搢圭

皇帝搢圭執爵官以爵進

皇帝受爵司尊舉罍酌醴齊

皇帝以爵授執爵官太常卿奏出圭

皇帝出圭太常卿奏請詣

夜明神位前協律郎跪俛伏舉麾奏中和之曲

文德之舞導駕官同太常卿導引

皇帝至神位前太常卿奏跪搢圭

皇帝跪搢圭司香官捧香跪進于

皇帝之左太常卿奏上香上香三上香

皇帝上香上香三上香執爵官捧爵跪進于

皇帝之右

皇帝受爵太常卿奏祭酒祭酒三祭酒奠爵

皇帝祭酒祭酒三祭酒奠爵太常卿奏出圭俯

伏興平身稍後鞠躬拜興拜興平身

皇帝出圭俯伏興平身稍後鞠躬拜興拜興平

身樂舞止太常卿奏請詣酒尊所導駕官同太

常卿導引

皇帝至酒尊所執爵官以爵進

皇帝受爵司尊者舉幕酌醴齊

皇帝以爵授執爵官太常卿奏請詣

星辰神位前樂作導駕官同太常卿導引

皇帝至神位前太常卿奏跪搢圭

皇帝跪搢圭執爵官捧爵跪進于

皇帝之右

皇帝受爵太常卿奏祭酒祭酒三祭酒奠爵

皇帝祭酒祭酒三祭酒奠爵太常卿奏出圭俯

伏興平身稍後鞠躬拜興拜興平身

皇帝出圭俯伏興平身稍後鞠躬拜興拜興平

身樂舞止太常卿奏復位導駕官同太常卿導

引

皇帝復位

終獻 贊禮唱行終獻禮太常卿奏行終獻禮
請詣爵洗位導駕官同太常卿導引

皇帝至爵洗位太常卿奏摺圭

皇帝摺圭執爵官以爵進

皇帝受爵滌爵拭爵以爵授執爵官執爵官又
以爵進

皇帝受爵滌爵拭爵以爵授執爵官太常卿奏
出圭

皇帝出圭太常卿奏請詣酒尊所導駕官同太

常卿導引

皇帝升壇至酒尊所太常卿奏摺圭

皇帝摺圭執爵官以爵進

皇帝受爵司尊舉罍酌盞齊

皇帝以爵授執爵官太常卿奏出圭

皇帝出圭太常卿奏請詣

夜明神位前協律郎跪俛伏舉麾奏肅和之曲
文德之舞導駕官同太常卿導引

皇帝至神位前太常卿奏跪摺圭

大冊集禮 卷一
皇帝跪搢圭司香官捧香跪進于

皇帝之左太常卿奏上香上香三上香

皇帝上香上香三上香執爵官捧爵跪進于

皇帝之右

皇帝受爵太常卿奏祭酒祭酒三祭酒奠爵

皇帝祭酒祭酒三祭酒奠爵太常卿奏出圭俯

伏興平身稍後鞠躬拜興拜興平身

皇帝出圭俯伏興平身稍後鞠躬拜興拜興平

身太常卿奏請詣酒尊所導駕官同太常卿導

引

皇帝至酒尊所執爵官以爵進

皇帝受爵司尊者舉幕酌盞齋

皇帝以爵授執爵官太常卿奏請詣

星辰神位前導駕官同太常卿導引

皇帝至神位前太常卿奏跪搢圭

皇帝跪搢圭執爵官捧爵跪進于

皇帝之右

皇帝受爵太常卿奏祭酒祭酒三祭酒奠爵

皇帝祭酒祭酒三祭酒奠爵太常卿奏出圭俯
伏興平身稍後鞠躬拜興拜興平身

皇帝出圭俯伏興平身稍後鞠躬拜興拜興平
身太常卿奏復位導駕官同太常卿導引

皇帝復位

飲福受胙 贊禮唱飲福受胙太常卿奏請詣

飲福位導駕官同太常卿導引

皇帝升壇至飲福位北向太常卿奏鞠躬拜興
拜興平身

皇帝鞠躬拜興拜興平身太常卿奏跪搢圭

皇帝跪搢圭捧爵官酌福酒跪進于

皇帝之左贊曰惟此酒肴神之所與賜以福慶

億兆同霑

皇帝受福酒祭酒飲福酒以爵置于坫捧胙官
捧胙跪進于

皇帝之右

皇帝受胙以胙授執事者執事者跪受于

皇帝之右太常卿奏出圭

皇帝出圭太常卿奏俯伏興平身稍後鞠躬拜興拜興平身

皇帝俯伏興平身稍後鞠躬拜興拜興平身太常卿奏請復位導駕官同太常卿導引

皇帝復位

徹豆 贊禮唱徹豆協律郎跪俛伏舉麾奏壽

和之曲掌祭官徹豆贊禮唱賜胙太常卿奏

皇帝飲福受胙免拜贊禮唱

皇太子以下在位官皆再拜傳贊唱鞠躬拜興

拜興平身

皇太子以下皆鞠躬拜興拜興平身樂止

送神 贊禮唱送神協律郎跪俯伏舉麾奏豫

和之曲太常卿奏鞠躬拜興拜興平身

皇帝鞠躬拜興拜興平身贊禮唱

皇太子以下在位官皆再拜傳贊唱鞠躬拜興

拜興平身

皇太子以下皆鞠躬拜興拜興平身贊禮唱祝人取祝幣人取幣詣望燎位讀祝官取祝捧幣

官捧幣掌祭官取饌及爵酒詣柴壇置戶上樂止

望燎 贊禮唱望燎導駕官同太常卿導引

皇帝至望燎位贊禮唱可燎東西面各二人以炬燎火柴半燎太常卿奏禮畢導駕官同太常卿導引

皇帝還大次解嚴

鑾駕還宮鹵簿導從如來儀大樂鼓吹振作
大明集禮卷十一

